



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

XXXVIII. Indorum in Provinciis Paraquariæ, Brasiliæ, & ad Flumen de la
Plata existentium, libertati, & indemnitati consulitur. 20. Decembris.

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

- † Ego A. Episcopus Sabinensis Card. S. Clementis S. R. E. Camerarius.
- † Ego L. Episcopus Portuensis Card. Picus.
- † Ego Petrus Episcopus Tusculanus Card. Corradinus.
- † Ego V. Episcopus Prænestinus Card. Petra Major Penitentiarius.
- † Ego P. A. Episcopus Albanen. Card. Carafa.
- †
- †
- †
- †
- † Ego Ludovicus Tit. S. Praxedis Presbyter Card. Belluga.
- †
- †
- † Ego A. M. Tit. S. Marci Presbyter Card. Quirinus S. R. E. Bibliothecarius.
- † Ego Nicolaus Maria Tit. SS. Joannis, & Pauli Presbyter Card. Lercari.
- †
- †
- †
- † Ego Fr. Vincencius Ludovicus Tit. S. Sixti Presbyter Card. Gotti Ordinis Prædicatorum.
- † Ego Joseph Tit. S. Maria Transyberim Presbyter Card. Accorambonus.
- † Ego Camillus Tit. S. Maria Angelorum Presbyter Card. Cybo.
- † Ego F. Tit. S. Silvestri in Capite Presbyter Card. Burgbesius.
- †
- †
- † Ego V. Tit. S. Mathei in Merulana Presbyter Card. Bichius.
- † Ego J. Tit. S. Crucis in Hierusalem Presbyter Card. Firrao.
- † Ego A. Tit. S. Stephani in Monte Cælio Presbyter Card. Gentili.
- † Ego Fr. J. A. Tit. SS. Silvestri, & Martini Presbyter Card. Guadagni.
- † Ego T. Tit. S. Cecilia Presbyter Card. de Aquaviva.
- † Ego D. Tit. Basilicæ Sanctorum Duodecim Apostolorum Presbyter Card. Rivera.
- † Ego P. Tit. S. Eusebii Presbyter Card. Aldrovandus.
- †
- †
- †
- †
- †
- † Ego D. Tit. S. Bernardi ad Thermas Presbyter Card. Passioneus.
- † Ego S. Tit. S. Priscæ Presbyter Card. Valenti.
- †
- † Ego P. Tit. SS. Nerei, & Achillei Presbyter Card. de Tencin.
- †
- † Ego Alexander S. Agata Diaconus Card. Albanus.
- † Ego N. S. Maria ad Martyres Diaconus Card. Judice.
- † Ego Nerius S. Eustachii Diaconus Card. Corsinus.
- † Ego A. S. Georgii in Velabro Diaconus Card. Mosca.
- † Ego J. B. S. Casarei Diaconus Card. Spinula.
- † Ego C. S. Nicolai in Carcere Tulliano Diaconus Card. Rezzonicus.
- † Ego M. S. Adriani Diaconus Card. Corius.
- † Ego P. S. Angeli in Foro Piscium Diaconus Card. Columna.

† Ego G. S. Maria in Porticu Diaconus Card. Scripantes.

†
†
†
†
†
†
†
†
†
†
†
†

P. Card. Pro-Datarius.
D. Card. Passioneus.

VISA DE CURIA.

N. Antonellus.

Loco ✕ Plumbi.

J. B. Eugenius.

Registrata in Secretaria Brevium.

Publicat. die 10. Januarii 1742.

Indorum in Provinciis Paraquariæ, Brasiliæ, & ad Flumen de la Plata existentium, libertati, & indemnitati consulitur.

Venerabilibus Fratribus, Antistibus Brasiliæ, aliarumque Ditionum Carissimo in Christo Filio Nostro Johanni Portugallie, & Algarbiorum Regi, in Indiis Occidentalibus, & America subiectarum.

BENEDICTUS PAPA XIV.

Venerabiles Fratres, salutem, & Apostolicam Benedictionem.

IMMENSA Pastorum Principis Jesu Christi, qui, ut homines vitam abundantius haberent, venit, & se ipsum tradidit redemptionem pro multis, caritas urget Nos, ut, quemadmodum ipsius vices plane immerentes gerimus in terris, in Indiis majorem caritatem non habeamus, quam ut animam nostram non solum pro Christianifidelibus, sed pro omnibus etiam omnino hominibus ponere satagamus. Etsi autem, pro suprema Catholica Ecclesiæ procuratore infirmitati nostræ injuncta, Apostolicam hanc Sanctam Sedem; ad quam undique gentium in dies concurritur, ut opportunum, ac salutare emergentibus in Christiana Republica, sive negotiis, sive detrimentis remedium afferatur, hic Romæ, more institutoque Majorum, tenere, ac regere cogimur; nec longinquas distitasque regiones, ut qualemcumque inibi Apostolici ministerii nostri pro lucrands animabus pretioso Jesu Christi sanguine redemptis operam impendamus, ac vitam ipsam, quemadmodum cupimus, profundamus; adire non possumus: tamen sicut volumus omnes Apostolica providentiæ, auctoritatis, benignitatisque partes ab omni natione, quæ sub Cælo est, desiderari; ita Vos, Venerabiles Fratres, quos ad excolendam Vineam Dei Sabbatho Cooperatores eadem Apostolica Sedes sibi adscivit, in Pontificiæ sollicitudinis vigilantiaque nostræ partem libenter advocamus; ut & imposto Vobis muneri magis magisque satisfacere, & coronam legitime certantibus in Cælo repositam facilius consequi valeatis.

§. 1. Porro Fraternitatibus Vestris comperitur est, quæ & quanta Romani Pontifices Prædecessores nostri, & Catholici Principes de

XXXVIII.

Pontificia caritas omnes homines ubique Terrarum degetes amplectitur.

Episcoporum operam in subsidium advocat.

Apostolicæ Sedis studium pro infidelium conversione.

Christiana

Christiana Religione benemerentissimi, laborum incommoda, ac pecuniarum dispendia alacri constantique animo passi fuerint; ut hominibus, qui ambulabant in tenebris, & in umbra mortis sedebant, per Sacros Operarios, tum sacris prædicationibus bonique exemplis, tum donis, tum opibus, tum subsidiis, tum auxiliis, lumen Orthodoxæ Fidei illucesceret, & ad agnitionem veritatis venirent: & quibus etiam nunc muneribus, quibus beneficiis, quibus privilegiis, quibus prærogativis, quemadmodum semper factum est, Infideles cumulentur, ut iis illecti, Catholicam Religionem amplectantur, in eaque manentes, per bonâ Christianæ pietatis opera æternam salutem adipiscantur.

§. 2. Eapropter non sine gravissimo paterni animi nostri mareore accepimus, post tot inita ab iisdem Prædecessoribus nostris Romanis Pontificibus Apostolicâ providentiâ coasilia, post editas Constitutiones, opem, subsidium, ac præsidium Infidelibus omni meliori modo præstandum esse, non injurias, non flagella, non vincula, non servitutem, non necem inferendam esse, sub gravissimis pœnis, & Ecclesiasticis censuris, præscribentes; adhuc reperiri, præsertim in istis Brasiliæ regionibus, homines Orthodoxæ Fidei cultores, qui veluti caritatis in cordibus nostris per Spiritum Sanctum diffuse sensuum penitus oblii, miseros Indos non solum Fidei luce carentes, verum etiam sacro regenerationis lavacro ablutos, in montanis asperrimisque earundem Brasiliæ, tam occidentalium, quam meridionalium, aliarumque regionum desertis inhabitantes, aut in servitutem redigere, aut veluti mancipia aliis vendere, aut eos bonis privare, eaque inhumanitate cum iisdem agere præsumant, ut ab amplectenda Christi Fide potissimum avertantur, & ad odium habendam maximopere obfirmentur.

§. 3. Hisce malis, quantum cum Domino possumus, occurrere satagentes, primum quidem eximiam pietatem, & in Catholica Religione propaganda incredibilem Carissimi in Christo Filii Nostri Johannis Portugalliæ, & Algarbiorum Regis illustris zelum excitandum curavimus; qui pro filiali sua erga Nos atque hanc Sanctam Sedem observantia, statim se omnibus & singulis suarum Ditionum Officialibus, & Ministris in mandatis daturum pollicitus est, ut quemcumque suorum Subditorum aliter, quam Christianæ caritatis mansuetudo exigit, erga Indos hujusmodi sese gerere comperissent, gravissimis juxta Regia edicta pœnis afficerent.

§. 4. Deinde Fraternitates Vestras rogamus atque in Domino hortamur, ut nedum debita ministerii vestri vigilantiam, sollicitudinem, operamque vestram hac in re, cum nominis dignitatique vestræ detrimento, deesse non patiamini; quin immo, studia vestra Regionum Ministrorum officii conjungentes, unicuique probetis, Sacerdotes animarum pastores quanto, præ Laicis Ministris, ad Indos hujusmodi opem ferendam, eosque ad Catholicam Fidem adducendos, ardentiori Sacerdotalis caritatis aestu ferveant.

§. 5. Præterea Nos, auctoritate Apostolica, tenore præsentium, Apostolicas in simili forma Brevis Literas à sel. rec. Paulo Papa III. Prædecessore nostro, ad tunc existentem Johannem Sanctæ Romanæ Ecclesiæ Cardinalem de Tavera nuncupatum Archiepiscopum Toleranum die 28. mensis Maji anno 1537. datas, & à rec. mem. Urbano Papa VIII. itidem Prædecessore nostro, tunc existenti jurium & spoliolorum Camera Apostolicæ in Portugalliæ & Algarbiorum Regnis debitorum Collectori Generali, die 22. mensis Aprilis anno 1639. scriptas renovamus, & confirmamus; necnon eorumdem Pauli, & Urbani Prædecessorum vestigiis inherendo, ac impio-

rum hominum ausus, qui Indos prædictos, quos omnibus Christianæ Caritatis & mansuetudinis officiis ad suscipiendam Christi Fidem inducere oportet, inhumanitatis actibus ab illa deterrent, reprimere volentes unicuique Fraternitatum vestrarum; vestrisque pro tempore Successoribus committimus & mandamus, ut unusquisque vestrum, vel per se ipsum, vel per alium, seu alios, editis atque in publicum propositis affixisque edictis, omnibus Indis, tam in Paraquariâ, & Brasiliæ Provinciis; ac ad Flumen de la Plata nunctipatum, quam in quibusvis aliis regionibus, & locis in Indiis Occidentalibus, & Meridionalibus existentibus, in præmissis efficacis defensionis præsidio assistentes, universis & singulis personis, tam secularibus, etiam Ecclesiasticis cujuscumque status, sexus, gradus, conditionis, & dignitatis, etiam speciali nota, & mentione dignis existentibus, quam cujusvis Ordinis, Congregationis, Societatis, etiam Jesu, Religionis, & Instituti Mendicantium, & non Mendicantium, ac Monachalis, Regularibus, etiam quorumcumque Militiarum, etiam Hospitalis Sancti Johannis Hierosolymitani, Fratribus Militibus, sub excommunicationis lætæ sententiæ per Contravenientes eo ipso incurrenda pœna, à qua, non nisi à Nobis, vel pro tempore existente Romano Pontifice, præterquam in mortis articulo constituti, & satisfactione prævia, absolvi possint, districtius inhibeat; ne de cœtero prædictos Indos in servitutem redigere, vendere, emere, commutare, vel donare, ab Uxoribus, & Filiis suis separare, rebus, & bonis suis spoliare, ad alia loca deducere, & transmittere, aut quoquo modo libertate privare, in servitute retinere; necnon prædicta agentibus consilium, auxilium, favorem, & operam quocumque prætextu, & quæsito colore præstare, aut id licitum prædicare, seu docere, ac alias quomodolibet præmissis cooperari audeant; seu præsumant; Contradictores quoslibet, & rebelles, ac unicuique Vestrum in præmissis non parentes, in pœnam excommunicationis hujusmodi incidisse declarando, ac per alias etiam censuras, & pœnas Ecclesiasticas, aliaque opportuna juris, & facti remedia, appellatione postposita, compescendo, legitimisque super his habendis servatis processibus, censuras, & pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis. Nos enim unicuique Vestrum, vestrorumque pro tempore Successorum, desuper plenam, amplam, & liberam facultatem tribuimus, & impertimur.

§. 6. Non obstantibus similis memoriæ Bonifacii Papæ VIII. etiam Prædecessoris nostri de una, ac Concilii Generalis de duabus dietis, ac aliis Apostolicis, & in Conciliis Universalibus, Provincialibusque, & Synodalibus editis generalibus, vel specialibus Constitutionibus, & Ordinationibus, Legibus quoque etiam municipalibus, ac quorumcumque locorum piorum, & non piorum, & generaliter quibusvis, etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, Indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, etiam si de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata, exprimerentur, & infererentur, præsentibus pro plenè, &

Inhibendo quibuslibet, ne eos in servitutem redigant, vendant, spolient &c.

Contravenientes anathemate, & censuris puniant.

Contrariis derogat.

suffi-

Nonnullorum asperitas in Indos cum Infidelibus, tum etiam Christianis.

Ea improbat a pietate Serenissimi Lusitanæ Regis.

Pontifex hortatur Episcopos, ut ipsi quoque eam reformare curent.

Confirmat Prædecessorum Constitutiones.

Mandat publicari Edicta in favorem Indorum.

sufficienter expressis, & insertis habentes, illis alias in suo robore permanens, ad pramissionum effectum, hac vice duntaxat specialiter, & expresse derogamus, ceterisque contrariis quibuscumque.

Transumptis fidei tri- buit.

§. 7. Volumus autem, ut earumdem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio, & extra adhibeatur, quæ ipsis præsentibus adhiberetur, si forent exhibitæ, vel ostensa.

Episcopos obtestatur pro præsentium executione.

§. 8. Cæterum, Venerabiles Fratres, custodientes Vos vigilans super grege unicuique vestrum credito, ministerium vestrum satagite atque enitami, ea, qua obstricti estis, diligentia, sedulitate, & caritate adimplere, assidue in animis vestris recolentes rationem, quam & Vos Pastorum Principi Jesu Christo æterno Judici de ovibus suis reddituri eritis, & quam ille accuratissime à Vobis exacturus erit. Ita enim fore confidimus, ut unusquisque Vestrum omnem operam atque conatum adhibeat, ne debitum in hoc tam eximia caritatis opere officium desideretur. Interea ad prosperi eventus successum, Apostolicam benedictionem, cum uberrima celestium Charismatum copia conjunctam, Vobis, Venerabiles Fratres, peramanter impertimur.

Dat. die 20. Dec. 1741.

Datum Romæ apud S. Mariam Majorem sub Annulo Piscatoris die 20. Decembris 1741. Pontificatus Nostri Anno Secundo.

D. Cardinalis Passioneus.

XXXIX.

Clausura Monasteriorum quoruncumque Virorum Regularium asseritur, sublata quibuslibet dispensandi facultate.

BENEDICTUS PAPA XIV.

Ad perpetuam rei memoriam.

Veteris disciplina rigor in arcendis Mulieribus a Regularium domibus, & Ecclesiis.

REGULARIS disciplina observantiam, ante etiam quam & Generalium, ac Particularium alicujus Nationis, aut Provinciæ Conciliorum decretis confirmaretur, & Romanorum Pontificum Prædecessorum nostrorum legibus sanctionibusque præscriberetur, quoad vetitum Mulieribus quibuscumque, etiam consanguineis, intra quoruncumque religiosorum Virorum Clausuram ingressum, tam integerrime custoditam fuisse constat; ut, ne dum feminis quibuscumque, sed masculis quoque, non tam ad Monasteriorum claustra, seu septa, quam ad ipsa eorundem Monasteriorum Oratoria, & Ecclesias nullus patuerit aditus, & accessus; quin immo sub gravissimis pœnis fuerit interdictus; ne scilicet, ut inquit S. Gregorius Papa I. Prædecessor noster, in Servorum Dei secessibus occasio præbeatur popularibus conventibus, & simpliciores ex hoc animas plerumque, quod absit, in scandalum trahat.

Nihil remissum quoad earum ingressum intra Monasteria.

§. 1. Hujusmodi autem regularis disciplina observantia, etsi, pro temporum varietate, ac necessitate, tot tantisque subit vices, ut iidem Prædecessores nostri aditum & accessum ad publicas Monasteriorum Ecclesias duntaxat, sive masculis, sive feminis, Sacrosanctum Missæ Sacrificium audiendi, Prædicationibus Verbi Dei interefferint, & Sacramentum Sanctissimæ Eucharistiæ sumendi, ac peccata sua confitendi causa, sine tamen Parochorum præjudicio, interdum concesserint; vicissim tamen ipsi Prædecessores nostri, tam ante Concilii Tridentini decreta, quam post eorundem Decretorum promulgationem denuntiationemque, providis saluberrimisque Constitutionibus ordinationibusque, sub

pœna etiam excommunicationis lata sententiæ, feminis quibuscumque aditum ingressumque hujusmodi intra Monasterium clausuram interdixerunt.

§. 2. Quoniam autem, sicut dolentes accepimus, alii quidem Apostolicas leges, ac præcepta hujusmodi, vel ausu temerario parvipendentes, vel ad eorum arbitrium interpretantes, feminis quibuscumque aditum ingressumque, tam manifestè, ac tanta sollemnitate vetitum, permittunt; alii verò privilegia, indulta, prerogativas, facultates, licentias, & alias quocumque pacto excogitatas concessiones sibi sive à jure, sive ab homine factas, & impertitas, seu facta, & impertita, ac quoruncumque munerum, dignitatum, ac præminentiarum ratione debitas, seu debita arrogantes, prætendentes, obtinentesque; feminas qualibet intra Monasterium claustra, septa, cænacula, cubicula, aliasque officinas aut admitti, ac recipi sinunt mandantque, aut una secum ducunt; alii denique sub pietatis, ac religionis prætextu, cum Supplicationes, sive cum Sanctissimo Eucharistiæ Sacramento, sive cum sacris Sanctorum Sanctorumque Reliquiis, Statuis, & Imaginibus, per claustra, septa, & alia Monasteriorum loca de more, ut asserunt, habentur, sine ullo prorsus discrimine masculos, & feminas Supplicationes hujusmodi per eadem loca sequi, & comitari licitum, quin imo, ut Indulgentias lucrari valeant, necessarium esse obtinent.

Idem nimia dispensationum facilitas invectæ.

§. 3. Hinc est, quod Nos, qui, dum in minoribus essemus, quamplurimos hujusmodi abusus compertos habebamus, in hac sublimi Sacrosancti Apostolatus specula constituti, non tam assiduis nonnullorum aliarum Ecclesiarum Antiquitum documentis, quam iustis etiam Superiorum, aliorumque Virorum ex Religiosis Ordinibus, Dei honorem, & instituti sui disciplinam zelantium, expostulationibus, de auctoritate similibusque abusus in dies admonemur, ut opportunum, ac salutare iisdem abusus tollendis, quantum cum Domino possumus, remedium asseramus; auctoritate Apostolica, tenore præsentium, primùm quidem omnes, & singulas Constitutiones, Sanctionesque à Romanis Pontificibus Prædecessoribus nostris, tam ante, quam post Concilii Tridentini decreta, super Clausura Monasteriorum quoruncumque religiosorum Virorum editas, renovamus, & confirmamus, necnon in posterum ab omnibus & singulis, ad quos spectat, & in futurum spectabit, sub iisdem pœnis in Constitutionibus Sanctionibusque eorundem Prædecessorum nostrorum Romanorum Pontificum, & decretis ejusdem Concilii Tridentini contentis, inviolabiliter observandas esse statimus, decernimus, præcipimus, atque mandamus.

Pontifex eam tollere statuit.

Renovat, & confirmat Prædecessorum Sanctiones.

§. 4. Deinde motu proprio, & ex certa scientia, ac matura deliberatione nostris, deque Apostolica potestatis plenitudine, earumdem præsentium tenore, omnia & singula indulta, privilegia, prerogativas, facultates, licentias, & quocumque alio pacto nuncupatas concessiones, omnibus & singulis quibuscumque Ecclesiasticis personis quacumque auctoritate, dignitate, honore, præminentia, ac jurisdictione fungentibus, etiam Venerabilibus Fratribus Nostri S. R. E. Cardinalibus, sive singulis, sive eorundem Cardinalium Congregationibus, etiam de Latere Legatis, sive qui Provinciis, & Legationibus Status nostri Ecclesiastici pro tempore præsunt, sive quos ad Carissimos in Christo Filios nostros Romanorum Regem in Imperatorem pro tempore eligendum, vel electum, Reges, & Reginas illustres, aliasque summas Potestates, prout rerum conditio postulaverit, mitti, & ablegari contigerit; sive qui, licet aliarum insignium Ecclesiarum Antiquitatis, tamen tamquam Apostolica hujus S. Sedis

Abolet, & revocat quacumque facultates dispensandi quibuslibet concessas.

Legati